

劫

餘

詩

選

劫餘詩選卷十

葵源 齊學裘 子治

余蓮村六十詩以壽之

先生儒者以仁存心濟川舟楫救旱甘霖卅載訂交清
談八妙楚狂高譚孫登長嘯攜琴海上把臂同游功德
無量名聞諸侯望若神仙年臻六十羣賢稱觴少長咸
集我何爲壽一瓣心香先生之風山高水長

己巳春朝遣懷

歲暮一何速春回興更佳拾遺依僕射忘却在天涯知
足心常樂無欺事總諧探梅須及早料理雨芒鞋

不問明朝事清聞且嘯調虛心師有道定力伏羣魔未
覺浮生夢其如薄命何親朋憐我老送炭雪中過
意想所不到殘冬客海濱敢期千載業聊賦一枝春年
老偏遭劫心清尙耐貧分廉頻惠我重累宦游人
家山千里外王粲怕登樓海市笙歌沸杞人朝夕憂毒
蛇胡可翫社鼠孰能投世外聞斯語長吁思遠游

爲應敏齋觀察刊校陳龍川文集告成詩以志喜
煌煌卅卷龍川集豪傑名儒宋一人酌古談兵見獨卓
遷都恢復策通神爭光日月道千古重壽棗梨書又新
笑我年衰供校字魯魚亥豕辨難真

余得海浮石一峯置之南園湛華堂座上徹齋觀
察見而愛之遂以持贈并媵一詩

五岳圭棱眾所欽中流砥柱合君心贈君一品洞天石
他日歸裝壓鬱林

曹海翁惠福橘旨酒并贈一詩次韻奉答

此老金剛不壞身年華已度古稀春海天空濶能容物
松栢青蒼迥出塵遺懷最好詩書畫益壽宜調精氣神
玉液金柑重惠我慚無佳句報鮮新

送程竹庵之武林

尊酒論文日申江客館中家山千里遠旅況兩人同桃

李開且落燕勞西復東武林舊風月久待付詩筒
我亦垂垂老離亭愁短長無嫌魯酒薄快賦春花香又
值清明節仍居何有鄉舊歡與新怨一夢付黃梁
往事不可說中年故自多窮愁鍊詩骨奔走慎風波天
意重寒餓文名招坎軻聞雞當起舞切莫發悲歌
回憶賣魚灣扁舟互往還願壇一飛將匹馬出重關楊
柳依依綠羣鷗日日閒眼中人話別能不淚潸潸

清明

南園客又過清明桃柳爭妍雨乍晴逸興過飛忘暮景
壯心不已欲長征營巢燕子喃喃語掃墓鄉人陣陣行

老子清閒無箇事扶筇靜聽海潮聲

三月初五日謝隱莊招飲海市醉歌贈之同坐俞

竹溪僧物珊

人生自有真吾在廬山面目終不改樂天知命復奚疑
著相安能超苦海眼前世界何有無海市蜃樓幻氣噓
我輩相逢非偶耳忘形痛飲笑掀鬚濁酒之中有妙理
酒杯以外鴻毛是不義富貴浮雲浮得則可憂失可喜
持此語人人掉頭一笑置之而已矣佛非佛兮仙非仙
狂非狂兮顛非顛旁有老衲高聳肩云二居士儒通禪
非愚非智玄非玄得毋文殊與普賢重來度世在人間

豐干饒舌豈其然有酒何妨沽十千大飲如龍吞九淵
小飲如鯨吸百川而我飲少輒醉如陶潛經歷滄桑幾
變遷淚亦不必爲之落心亦不必爲之憐放眼乾坤一
何窄逃平酒國寬無邊劉伶李白相周旋興酣揮灑如
雲煙是處青山可埋骨到處酒家堪醉眠手挽酒星到
酒泉杖頭何患無酒錢垂簾賣卜長安市君平名姓通
星嵬王侯第宅更新王五陵邱墓鋤作田銅山金谷皆
禍物簞瓢陋巷全其天亦胡爲而此醉我今不醉何
俟焉百年歲月一彈指王喬羨門誰爭年飲君酒開心
顏攜琴訪道久寂寞何期海上逢成連飲君酒歌長篇

語言文字皆非是能大割捨方有權虛空粉碎了無礙
得大自在證道圓君不見文殊率眾參不二維摩示疾
默無言

寄于漢卿吳陵

隔江千里遠消息尺書通溝壑何能忘簞瓢豈算窮心
游天地外意託笑談中無物供君賞新詩寄一筒
富貴非吾願琴書消我憂淵明吟乞食王粲賦登樓嗟
彼籠中鳥憐他海上鷗樂天與知命此外復何求
新安好山水暮齒不能忘何日攜家去依然居故鄉沖
峯堪縱目環澗合濺裳圖繪還山久奈何羞阮囊

候忽又春暮奔駒奈爾何懷人愁夜雨送客恨春波仙
侶貪游戲勞人慣唱歌寄言泛槎使及早渡銀河

題自畫春溪停舫圖

綠水青山可卜居數椽茅屋一牀書春光明媚詩情動
好放扁舟去釣魚

偶感寄謝隱莊

人貴實心行實事豈尙語言與文字紛紛聚訟說性理
東林黨禍因之起分門別戶張旗鼓僞學從中竊名位
渾忘同氣并同聲專務相輕并相毀物議紛騰不可止
大雅之堂聚巴里名爲講學實興戎總是多言致多戾

不思至聖欲無言吾道一以貫之耳至聖行藏絕法天
無聲無臭斯至矣流水行雲見道心鳶飛魚躍適吾事
小窗鑽紙啞蠶兒上水撐船憫舟子不能解脫離根塵
筆歌墨舞終非是君不見運斤成風老斲輪糟粕喻書
真有旨君文我詩安用存一笑付之東流水

贈王雲卿明經

竹庵去後雲卿到天遣詩人慰寂寥緯地經天三管筆
奔吳走閩一枝簫相逢海上面初識話別尊前魂又銷
待到茅庵佳處結與君同看廣陵潮

滬上買舟渡江訪方子箴都轉

潛願

於揚州途中

困雨作詩六首寄之

自笑生年近古稀劫餘游興更遄飛
解家鼓棹離黃浦到處停帆訪翠微
往事都隨流水逝故山暫與暮雲歸
白頭掃墓能無淚回首難忘舊釣磯

印墓在宜興溧陽

第一江山勸舉杯酒如甘露玉山頽
英雄千古浪淘去勝麗一時風送來
昨夢鼓鼙增白髮今逢陰雨作黃梅
留行多謝天公意十幅蒲帆且漫開

京口守風

虎口餘生又十年身無長物賸詩篇
田廬荒廢那堪問骨肉飄零信可憐
友誼頻加何以報父書尙在矢重鑄
龍鍾兩袖安能舞喔喔雞聲聽不眠

百年身世似虛舟，逐浪隨波任去留。歷劫殘棋爭一著，

扶輪大雅定千秋。

謂子箴都轉

得行卽赴名山約，娛老當隨

造物游海上。親朋應笑我又貪明月上揚州。

不緣洛社會耆英，誰肯風波冒險行。願與坡公談不死，

勝從呂祖學長生。自知老朽全無用，深愧校讐虛得名。

譬彼遷喬出谷鳥，嚶嚶嚶嚶爲應同聲。

父執仙蹤不可尋，多情宿好念山林。欒桐柯竹垂青眼，

戴笠乘車見素心。賈島敲推接韓駕，鍾期遇合聽牙琴。

三生石上緣非淺，快詠新詩寄賞音。

贈方子箴都轉卽用其題梅花居士第二圖原韻

潮海論交今老矣風流儒雅見君纔瀛洲仙客膠鸞下
滬濱散人騎鶴來明月二分依舊好寸心千古豈能灰
梅花祇與高人契我慕棠蔭到處栽

六月初八日接兒子功成家書作詩寄之三疊前
韻

少陵老作諸侯客我到衰年入幕纔大海波濤翻筆底
時讀都轉二知軒詩鈔一滿天霖雨送詩來都轉投詩霖雨大作蕭齋有月窺

殘夢破竈無煙贖冷灰

寧書告窮云云

莫爲窮愁疎伏案書田

菽粟及時栽

揚州喜晤漢卿讀其近作詩文詩以眎之四疊前

韻

平山風月今猶好十載揚州夢覺纔
賈誼憂時耽痛哭
淵明乞食賦歸來柳營旁午勤籌筆
書苑投閒懶畫灰
灰畫集
兵書名近著詩文有奇絕瓊花罕見世間栽

方伯雄觀察

俊

出示暖春書屋詩刪題詩一首

不到金陵二十霜何緣得見魯靈光
千秋事業超文苑
萬里雲山納錦囊豈似郊寒和島瘦
能賅宋豔與班香
門牆高峻人同仰容我來登大雅堂

奉酬方觀察見和之作

歲寒松栢傲冰霜黛色能爭日月光
老去傳家三管筆

宦餘長物一琴囊寵藏金石逢精鑒

余以手刻寶硯室法帖請鑒室

入芝蘭化妙香我慕先生無量壽憑他駒影去堂堂

贈汪龍溪縣丞

元魯

不見汪倫十餘載形容未改鬢毛蒼虎邱獅窟成焦土

酒地花天作戰場兩箇閒曹主風月

君與令弟虎溪共作間吏因畫兩間

圖以自娛

一枝彩筆度滄桑蕪城賓館談疇昔所地高歌劍

亦傷

奉酬劉佩卿茂才

瑤

三疊前韻

黃菊何曾解傲霜西風簾捲瘦秋光快延三益速開徑
莫問一錢無看囊春夢無痕安用歎

君有秋蘭綴佩有歎疾

餘香小園數畝今猶在我欲乘風來草堂

宿蕪城賓館感作

燕子樓空亦可憐風華美麗想當年房廊曲折人何在
信宿勾留客有緣丹桂碧梧逃浩劫白衣蒼狗變俄延
多情最是窗前月伴我微吟到枕邊

讀方都轉二知軒詩鈔得詩一首

細讀君詩慰寂寥清涼如聽玉人簫梅花作骨傲冰雪
秋水爲神飛海潮橘叟讓誰贏一著坡仙輸爾過三蘇
慈雲法雨驅炎熱六月十九日觀音誕辰驟雨送涼大快人意快若乘風上
碧霄

羅兩峯墨幻圖聯句爲于漢卿刺史題

我從鬼機來情狀覩之熟曾題鬼趣圖方子已覺調侃

足吁嗟幻境多齊玉豈有真面目變相肆猖獗許叔九

幽若蠻觸裸體揮戈矛箴衝鋒出崖谷如聽鼙鼓聲玉

亂擊髑髏肉睽睽互格鬪叔瞥見一尸伏山人眼何慧

箴顧盼窮異族當其下筆時玉氣直懾地獄殘燐慘無

色叔陰暄聚成毒鬼雄本過人箴鬼謀早潛蓄乘間張

爪牙玉未厭谿壑欲倘逢終南鍾叔大嚼嚼其腹於今

鬼市開箴昼樓架平陸天河洗甲兵玉賣刀爭買犢游

魂載一車叔化工普亭育生機滿乾坤箴瑞雲蔭茅屋

八耳聞絃歌

玉

論擬阮瞻續黑風無處吹

叔

夜半鬼母

哭兒孫化爲蠶

箴

揭鉢難報復畫人莫畫鬼

玉

請看萬

牙蠹劫運消沙蟲

叔

凌煙倚天矗堂堂正正師能令邪

魅服

箴

舊雨軒圖聯句爲漢卿題

廿年久慕令升才

許叔平

今日黃壚動我哀

方子箴

湘

叔門下士家叔母泉

修竹千竿留客處

齊玉

披圖恍見

故人來

叔

握槩懷鉛吏亦儒

箴

漢卿爲湖山

龍鍾老笑作詩臞

玉與漢卿

相逢舊雨兼新雨

叔

好築題襟掃綠蕪

力余寺星

卷二

七

題襟館
落成

却從邗上思袁補玉滿徑蓬蒿感慨多叔羨煞寒亭人

似鶴箴卷中有陳壽卿題句故及之白頭到處有吟窩玉

贈許叔平大令奉恩

一別三十載蕪城重見君焚香精鑒畫把酒細論文博
議皆心印清談忘夕曛何時同鼓棹訪勝上齊雲

寶米齋同集論詩愜我心休鳴三尺劍快撫一絃琴賓

主東南美吟哦更漏深此中有真趣何處覓知音

著作等身富交游聞見多叔平詩文見聞錄皆傳作也不知老將至

笑我意云何豔福消新月豪情付逝波書生游倦矣許

彥正寵驚

謫仙千古恨未遇許宣平今我到邗上無心逢友生相
將騎白鶴莫浪打黃鶯欲作還山夢秋霖不住聲

秋興四首用方子箴都轉舊作隨園卽事原韻

又到清秋節花園送好音管絃聲細細風雨夜沈沈繞
樹鳥三匝感時蟲一吟周旋吾與我虛室坐披襟

濟勝老無具名山當卧游日憐鷗戲水夕聽鶴鳴秋自
離波濤險祇貪風月幽空明方寸地何處著閒愁

好風如有意吹我到邗江扶老筇攜一尋詩屐著雙雪
泥印鴻爪元妙證雞窗定力徐魔障皈依離垢幢

回首舊游地難忘白下門隨園人嘯聚獅窟馬嘶喧一
炬無遺蹟三山不改尊時時縈夢寐更有孝侯墩宜興城
周孝侯廟後有五墩名曰孝侯墩余家在此

方子箴都轉許叔平大令聯句題還山圖讀之有

感作五古三章奉酬

我有陽羨田亂後無人耕雙溪有草堂壁立虧窗楹別
業在蘇臺瓦礫堆滿庭金石與圖書散落如晨星餘生
出虎口身世同浮萍七載寄輦鄉三年依友生應鯨齋方伯
今從滬上來訪舊來蕪城使君風雅主多士競瞻荆我
亦年家子與君如弟兄雲泥不相隔車笠無寒盟接我

以高譙訂我爲詩朋邀我鑒書畫約我勒碑銘不以我
爲野老鶴游青冥不以我爲狂候蟲鳴不平不以我爲
拙龍鐘客無能不以我爲怯滄桑厯變更示我十冊詩
才力與古爭學詩五十載彩筆輸君精一詞一擊節引
我登蓬瀛

爲我開清閼寶光衝斗躔如行山陰道竒峯秀岫連如
八老龍宮珠貝相新鮮掃象定僧繇羅漢推龍眠南宮
梅花賦玉局歸來篇鄩王九奏稿讀之心惘然明皇親
浴圖真趣嗟難傳蕭疎倪迂筆望之仙乎仙仲圭竹瀝
灑白陽花娟娟老幹無醜枝青藤與石田文董唐仇蕭

四王吳惲全獨得巨然髓巨卷尊耕煙探驪得珠矣何

必癡蒙顙

黃大癡王蒙米顙

令我歎觀止他樂不請焉劫餘增

眼福翰墨結深緣

興發索圖題聯句舛格新敲推字未安更鼓催頻頻三

吏如幼學埋頭不敢伸

箴翁叔翁與子爲三吏

吁嗟衛武公臚志

清慎勤好學躋耄耄使君卽其人題我還山圖笑我不

耕耘頻年走吳會老作諸侯賓買山無一錢招隱徒云

云秋風起天末四壁蟲聲喧去秋海上游秋興吟南園

今逢邗上秋詩思胡紛紛得過我且過遑計年復年滄

海渺一粟窮達聽之天惟慕少陵詩長留天地間劉伶

真達士荷鋪隨其身三千與大千世界視微塵偶然游
戲耳夢幻何須論一室同嘯歌三生證宿因聚散固有
時良會要自珍他年增故實鴻飛留爪痕蒼生望甘雨
漫說思肥津

都轉題詩云相思獨有肥津水句

寄言張季鷹底事憶鱸

莼

許叔翁聯句云根觸秋風鱸鱠鮮故并及之

詠老少年四首用漁洋秋柳詩韻

昨夜西風吹夢魂攜筇倏忽到柴門滿庭秋色饒詩興
一領青衫少淚痕變面芙蓉堪作伴托根籬落不成村
覺來景物非疇昔觸目驚心孰與論

肯讓黃花獨傲霜秋光爛漫遍雷塘天孫織就雲成錦

居士收羅詩滿箱

方篋圖世文原唱四律索同社和作收羅盈箱矣

合署醉侯

封酒國不隨春卉待花王千紅萬紫翻新樣恍坐吳船

泊治坊

虎邱治坊濱吳人游處

舞罷霓裳和羽衣玉環嬌態是耶非漫言仙度君爲最
卽論風華世亦稀好把夏姬比秋豔正當北雁向南飛
還重却老吾輸爾無室無家樂不違

最是漢宮秋可憐偏宜帶雨并籠煙濃姿莫浪歌金縷
幽意緣何類楚綿不厭寒蛩鳴唧唧端依怪石燦年年
撩人情緒知多少月下風前夕照邊

題密疾圖爲張石朋

德堅

明府作

滿眼瘡痍實可憐何來二豎跪階前眾生疾已膏肓八
縱過華陀亦罔然

腹心之疾最難治審出根源恨已遲攻則傷神瀉傷氣
人間何處覓天醫

題酬筆圖爲張石朋作

噫嘻吁管城子與爾交束髮始探字源究書理繪畫圖
治經史著詩書紀山水振家聲籌軍旅生死人泣神鬼
支大厦扶風雨畫竣煙交國士百廢舉賴有爾勞矣哉
酬之是香一爐拜且跪繪一圖題滿紙張石甫爾知已
爾何故不我喜勞我形困我志傷我神損我智白我頭

喪我氣歷兵戈不爾棄出虎口不我庇老而禿那堪使
我一生受爾累盡投諸莫我侍爾無言空含淚六十年
徒勞瘁不爲德反見譽將安歸歸石甫噫嘻吁管城子

題夢游黃海圖爲蓮谿禪友作

太白詩中傑夢游天姥吟留別蓮谿畫中禪夢游黃海
仙乎仙黃山之峯三十六蓮花朶朶向天矗天降時雨
雲出山雲鋪作海翻波瀾旭日照耀風鼓盪恍若龍宮
開寶藏斑斕珠貝搖光晶海船海馬空中行方壺圓嶠
出復沒茫茫浩浩來潮聲我昔黃山看鋪海作歌紀勝
稿猶在閱歷滄桑幾變遷一彈指頃三十年黃海忽忽

來吾前中有一衲披水田脚插黃海茫無邊四大皆空
了無物目光炯炯興勃勃手執麈尾欲何爲根塵苦惱
一齊拂人看是真師說夢真耶夢耶休聚訟我欲飛身
上畫圖逍遙黃海天風送

韓文川招飲

幽居似盤谷地僻滿庭芳嗜古無俗韻吟秋有海棠硯
精珍米老墨妙醉甌香

文川出示寶晉齋硯
甌香館畫眞寶物也

同座皆知

我欣然盡一觴

佛手柑和方都轉韻

天然一隻擎雲手幻作甘柑與眾參豎指有誰知味一

伸拳輪爾腋乘三從無俗韻推仙品不染纖塵供佛龕
拔地根深長捧日嶺南提送到江南

僧鞋菊和方都轉韻

黃花佳色稱茅廬偏與僧家鞋式如行脚天涯游倦矣
托根籬下忘歸與達摩隻履留遺跡陶令孤筇賦遂初
踏遍祇園堪寄傲一叢容我帶霜鋤

蜀岡訪雪航上人遇題壁而返

驅車出蕪城蜀岡訪禪友蔓草籠荒煙勝蹟歸烏有諸
山迎我來萬松化龍走不見平山堂惟聞風怒吼茅庵
三兩間古佛一尊守秋花紅欲然白晝鳩呼婦雪公出

未回獨客枯坐久焦山憶聯床過年有八九今來卓錫
地頭白成老朽園丁頗解事周旋侍左右特烹泉水茶
飲我情何厚且漫感滄桑留詩傳日後何必碧紗籠山
靈應點首爲我留茅庵清福同消受

又得七絕一首

獨向岡上扣禪關鐘鼓無聲佛自閒野鶴不知何處去
扶筇飽看隔江山

暮秋書懷

邗上逍遙又暮秋尋詩訪道不知愁年衰猶喜書遮眼
髮短難將花插頭久客已無鄉國夢肩鴻總爲稻粱謀

五仙言集 卷一
向平願了渾無事快入名山賦勝游

冬日書懷

歲云暮矣不言歸獨向江頭看落暉天際風雲多變態
水邊鷗鷺共忘機還山圖畫成虛願逝水年華近古稀
世事到頭都似夢夢中說夢是耶非

不愛生天不羨仙飢來乞食困來眠田荒無佃難餬口
薪荷有兒堪息肩詩虎酒龍長作伴清風明月不須錢
人生樂境在知足眼底滄桑任變遷

題松隱庵讀書圖爲石門沈君卿作

人生祇有讀書好松隱庵中有隱君夜半濤聲天際落

吟語相應過行雲

綏安山裏梨雲館三十年前我讀書轉瞬滄桑幾遷變
殘編何處覓焚餘

與方都轉話別

一笑萍蹤逐浪流江南江北幾時休二分明月嗤人老
滿座春風解客愁天際烏雲將釀雪梅邊老鶴自呼儔
灑來點滴楊枝水赤地霑濡大有秋

平生不肯受人憐傲骨嶸嶸成一顛始信蓬山猶有路

可容名士乞歸田

成句 都轉近有退志故及之孤舟老病思嚴武皓

月清華憶謫仙知否嶺梅將次放明璫翠羽盼吟鞭

都轉

去倉言以

卷一

將有嶺南之
役故及之

劫餘詩選卷十一

婺源

齊魯表

子治

用方都轉匏字韻吟留別詩方都轉一首

辭君歸去度殘臘浮我江湖有大匏且待春風吹草綠
重瞻喜氣上眉梢心能割捨全無累詩到狂吟不費敲
元白結隣今有約故山猿鶴莫相嘲

窮當獨善達兼善豈願此身如繫匏漫把宦情付流水
須知天意在梅梢東山絲竹徵民望賈島吟哦苦自敲
從此郵筒互來往大開詩界有誰嘲

與蔣幼節論詩卽用其呈方都轉詩韻題其近稿

我生無所好所好在吟詩吟詩五十年奉一眞爲師詩
有眞性情何用務紛馳風騷未探源悵悵將何之海濶
與天空蠡測而管窺六義不講求骨節棄如遺居今能
稽古詩教何由衰絢爛歸平淡周道無嶇崎我作我之
詩仙翮超藩籬我用我之法龍駒脫絡羈學問精於勤
文藝荒於嬉詩亦有韻文不類曲與詞正變隨時發美
刺不汝訾流離顛沛中樂此而不疲黃赤莫悲絲南北
莫泣歧積少以成多升高必自卑余言昆吾刀遇玉堪
切剗歲暮邛上逢作客同羈縻大人占利見倡和無人
唱

幼節與都轉倡和
詩字韻至五疊

吞吐有虹霓獨立忘寒飢

因疾言歸舟居數日水淺風逆不能前行復移行
李借住興教寺萬佛樓下感懷四章時己巳十

一月二十四日

人生行止皆天定古寺棲遲亦快哉不向大江唱東去

偏尋老衲說西來

謂海文長老

講堂借作吟詩社禪榻權爲

避債臺喚做頭陀還似未萬緣俱寂寸心灰

平頭七十欠三年遊戲人間作散仙金石圖書敦宿好
文章經濟讓時賢崎嶇世路歸平坦深厚天心獨顧憐
雪滿山中正高卧嶺梅特放一枝妍

衆生滿眼盡瘡痍安得維摩一愈之不信鍼鋒立國土

那知芥子納須彌靈光不昧存真宰靜坐無言實我師
斬斷葛藤方有路拖泥帶水欲胡爲

龍公有意將行雪無數凍雲天際凝萬佛樓前橫一榻
六朝寺裏究三乘暫離苦海甯非福不著袈裟也是僧
老向法門參不二要知聖教所由興

方子箴都轉用蔣幼節詩韻作詩見贈再疊前韻
奉酬

五月渡江來訪君讀好詩君詩具真力風雅爲吾師嗟
予遭浩劫謀食東西馳何處是吾家欲歸將安之終日
聳吟肩名園目不窺詩心證琴心音求太古遺生年近

古稀豪興猶未衰巖巖太華峯瞻望何嶮崎鬱鬱澗底
松偃蹇傍人籬君才如天馬不受人間羈大鵬六月息
儘可含哺嬉食飽日無事邀朋聯詩詞秃筆慚無花醜
陋不我訾知我老兼病心瘁神更疲得鹿渾疑夢亡羊
不問歧宦途拙勝巧山林高不卑都轉詩云既然宦途
拙甘處山林早故及
之年當服官政退志急須臾要慰蒼生望非關好爵縻
鳳凰高岡鳴燕雀藩籬嗤衡門可棲遲泌水可樂飢

題梁石佛拓本謌爲李笙魚

嘉福作

梁中大同歲丙寅比丘慧影造世尊侍側文殊與普賢
羅漢排立青雲端五十七字石背刊祈福七代父母親

及出家師并自身石高二寸有二分歷年千百完如新

大清同治歲戊辰李與石佛遇吳門輸金迎歸三沐薰

細述緣起記以文手拓數本聊自珍華香供養報佛恩

已巳孟冬來花園楊州花園巷示我拓本談宿因憶昔先子

到邦津購唐石佛歸焦山當時同游楊子堅長老借庵

徒性源迎入海西鎮禪關先子紀事吟長篇林文忠和

作居前芥航河帥祖及孫興酣揮灑如雲烟繪圖者誰

張解元茶農姚燮作頌千餘言小子磨石仔細鐫恭賦古

詩附驥傳亂後載石訪焦先安置石刻周鼎邊更送大

士及坡仙寶相光華衝斗躔廣拓萬本傳其人名山清

淨無纖塵勝置高閣埋荒村寄語梁石佛主人快送石
佛居仙巒普度人鬼同生天與唐石佛坐比肩不動不
壞留人間

除夕興教寺住持海文長老招食伊蒲饌作譚紀
之

今年除夕翻新樣興教寺中飯方丈廿四比丘同一筵
饌進伊蒲足供養老饕大嚼詩腸撐狂奴故態依舊前
僧家戒酒殊不惡飲茶兩腋清風生臘日尋僧已難得
何況僧房過除夕三生石上再來僧光景依稀今視昔
海公長老我知音常把琴心證道心笑予白業久荒廢

老客天涯耿苦吟，遊戲人間六十七。
蝶夢遼遼猶未畢，赴壑修蛇掣尾難。
流天白日奔輪疾，東隣哥吹雜絲簧。
西隣悲歎談滄桑，紅爐盛饌乃僧舍。
間繁雙溪一草堂。
方子箴都轉已巳除夕與許叔平明府聯句用東坡三首韻索和次韻酬之

先子賦遂初公私謝僚佐，宦囊無別物。
書畫兩奇貨，陽羨除日雪雪花如掌。
大韻用聚星堂長吟忘高卧，小園梅花開風吹香滿座。
空中誰撒鹽紛紛如旋磨，雛鶴唳深宵。
小子趨庭過面命，勤學詩禁體試一和。

兒時好吟咏，詩思頗不遲。
努力師古人心摹而手追，先

予見詩笑兒心樂無涯彈指五十年難忘是兒時江左
遭兵亂田園瘦不肥歲時將更始風木不勝悲乞食似
淵明怕讀歸來辭腰纏不滿貫騎鶴興未衰

得勢鼠變虎失時龍作蛇青山終不改一任浮雪遮靈
光自千古去日如我何客無饋歲事門外寂無譁歲已
別人去更鼓聞三搥守歲歲豈留蠟淚徒歎斜不如擁
絮眠吾意寧蹉跎雞鳴報新年馬齒增堪誇

子箴都轉疊韻作詩三首見贈感慚交集疊韻答
之

我生百無能君才實王佐愛才兼悅士貪詩不好貨無

欺心自安有容德乃大當調鼎彝羹勿念羲皇卧海內
論詩家推君居上座吟餘喜學書奚奴牽墨磨顏筋與
柳骨追摹不放過陽春白雪曲難使巴人和

都轉詩有明晨道奚

奴走索老顛和之句故及之

我本山人衡門慣棲遲君是玉堂仙仙風那可追去
年嶺南來春草綠天涯今年嶺南去杏花春雨時送君
到西湖水暖魚正肥依依不忍別話別徒傷悲望君早
回轅重賡絕妙解詩狂雖云老豪興未全衰

我思在遠道遠道如長蛇飛夢到羅浮合離風雨邀觀
梅勸詩興好詠長思何一醉平山堂提壺山鳥譁

君和余除

夕詩有與君依依不忍別
提壺一醉平山堂之句
歸去掩柴門寂寞無人過後
曾訂秋期同訪玉鉤斜老懷鬱不舒歲月空蹉跎君其
知我乎契合真可誇

庚午人日雪用東坡聚星堂韻并效禁體

人日經樓翻貝葉舉頭忽見漫天雪九霄雲外衆仙人
作大遊戲真愁絕幾樹蒼松頭頭白數竿修竹如磬折
老梅著花壓更香孤燈照夜侵欲滅兒時除日和雪詩
五十餘年電一掣三千世界放光明十萬天女散花纈
幸與高僧坐禪榻聽說清言霏玉屑不許纖塵半點侵
肯把清華一飄瞥客心孤迥倚闌吟苦海清涼忝佛說

吟詩白戰老猶能妙手空空無寸鐵

方子箴都轉人日大雪作歌見示次韻答之卽送

其往嶺南

我除作詩無事忙不貪高卧傲羲皇門前積雪出窘步
一筇雙屐相扶將老孱幾度經滄桑流寓非關志四方
登高南向望鄉國水天一色何其長江山雪霽圖誰倡
瓊樓玉宇七寶妝可憐竹西歌吹地一擲紅巾作戰塲
適從方外來翩翩言情寫景搜枯腸大敵當前旗鼓張
白戰不持寸鐵強東坡詠雪聚星堂繼聲和者誰能狂
君之嶺南大吉祥錦囊重貯梅花香

方都轉以穀日喜晴詩見示次韻奉答以寫我懷
虎口餘生飯不足飢驅奔走抱璞玉刀兵水火身尙存
神鬼護持天錫福人間冰雪暫時瑩天上星河亘古橫
彎彎新月驚弓影陣陣迴風飄玉翼今年穀日喜新霽
同雲四卷天無翳可憐凍雀飼飢鷹不知造物有何意
淵明長歌歸去來而我忘却家山隈攜筇孤山探梅去
重訪處士傾佳醅

次韻和吳道民見示之作

郭外桃花紅欲然尋芳又到豔陽天人無百歲憂千歲
我喜衰年勝壯年高枕北窗師卧佛橫琴東海傲飛仙

羨君解脫根塵蚤道契詩狂與酒顛

次韻奉和江伊人渭見贈之作

枯藤爲杖葛爲巾春水羣鷗日日親破屋長來老居士

佳醕偏送學仙人伊人送酒故及之羨君善藥不離手笑我繁

花紛著身快把詩歌開世界頓教晚景又翻新

詩雜仙心得自然瑤章捧讀結深緣論高共服懸河口

吟瘦猶撐山字肩冷淡幽情霜後菊清新好句月初弦

客窗談笑須珍惜轉瞬東西各一天

倚虹別墅八角亭題壁

海碧天青日正明倚虹亭上看潮平中原天地真高厚

外國風情任變更花竹滿園佳趣得家山千里客心驚
滄桑閱歷身猶在娛老消憂仗友生

無語憑闌淚自流關山戎馬未全休

時回匪未平

天威靖亂

圖麟閣海氣凌虛結蜃樓百怪千奇成幻境一筇雙屐
足優游眼前卽是神仙侶何必蓬萊島上求

題許烈姬香濱和漱玉詞稿

烈哉烈哉許采白斷臂猶持石擊賊生前節烈拒紅巾
身後詞名追白石朱君子鶴本詩仙得此烈姬名更傳

題辭王宋

養初詠春

皆舊識劫灰飛去隔雲天我亦蘇臺流

寓者訪友觀荷莫釐下當年曾耳香濱名今讀好詞庚

午夏劫餘吟稿半凋殘
漱玉詞傳和易安
易安晚節負
慚德地下相逢應汗顏

寄懷方子箴都轉嶺南四首

不見四閱月思君無已時
平安聞竹報消息得底期
談笑昔憐我倡酬今與誰
秋風如再晤應訝鬢添絲

又過黃梅節重更白葛衣
嶺南公事了滬上夢魂飛
有客傳佳信無言對落暉

汪龍溪來書云箴翁四月十三日到粵東事不難了約日會奏

七月盛名多坎壈知己恨相違

我亦垂垂老田園久廢荒
奔輪驚歲月春草夢池塘
眼識無多侶心知更不忘
別來幸無恙晚節凜冰霜

先集思再刻囊空無一錢多君著高誼許我擬翻鐫寶
玉長輝岫明珠更媚川心香陳一瓣日日望南旋

寄懷劉御史吳門

去夏蘇臺見榴花照眼明光陰何迅速白葛又新更暮
齒遭危苦關心感友朋離懷消不得一水隔盈盈
浮家來海上浩浩泛滄溟談笑思當日交游散曉星何
時一尊酒重醉舊旗亭聽罷雙鬟唱湖山復送青
索居苦寂寞見月便思君倦矣投林鳥悠然出岫雲孤
蹤成野鶴無語對斜曛消息憑誰問佳音久未聞

寄懷王樸臣

炳孝廉吳門

探梅鄧尉成陳跡蚤歲鴻城伴寓公壽世文章千載定
校書事業兩人同浮沈亂世言無補掃蕩愁魔詩有功
患難一生君莫笑骨經磨鍊氣如虹

第三忍辱波羅蜜垂老猶思此七言落落孤蹤寄東海

茫茫何處弔忠魂

謂湯忠愍戴文節東昇錢冬士兩觀察朱筱漚廉訪常南陔中丞孔有

函陳龍巖左清石三太守王薌堂徐迂伯徐伯宏殉難諸君子悲來感賦詩千首憂極
難消酒一尊邪說橫行魔作祟人間何世與誰論

寄懷方子聽大令

浦益

吳門

邗江一分手彈指十閱月高情戀故交青眼照白髮老
朽百無能歲月空飄忽滄桑多閱歷眼底無故物惟留

一覩田衣食幸未竭海鷗誰能馴浩蕩出復沒翹首出
山雲霖雨蒼生活公餘動詩興吟哦山水窟何日來泥
城小齋臨十笏清茶奉一杯相對話離別若翁健如仙
看花吟不歇筱圃文揚州四月招朋賞乃兄使嶺南冰
心玉壺澈八月可言旋詩興更飛越謂子箴賤子賦閒
居譚忘貧徹骨日事詩書畫聊以自娛悅窮通聽之天
何須書咄咄側耳聆秋聲涼飈驅炎熱鼓棹泊胥江造
門重請謁

題自畫五湖漁隱圖

紅樹青山間白雲滿天秋思落紛紛人間祇有釣徒樂

鼓棹清波唱夕曛

七十平頭欠二年杞人底事苦憂天何當飛上漁人艇
尋得桃源作散仙

六月二十日華逸雲蔡寵九邀遊城南觀蓮寵九
得詩次韻和之

華蔡二君有英氣邀我城南看荷芰扶筇得得過橋來
徙倚塘邊吟擁鼻晚風吹動千枝花花香深處有人家
一灣流水如碧玉倒影天半明朱霞黃泥墻隔桃源路
蓮塘逼近黃泥墻桃圓唱晚漁謠杳何處豔豔花光引蝶飛田田
翠葉遮魚去記得洞庭謠采蓮湖波浩渺花連天明星

熒熒開妝鏡，淩波仙子簪珠鈿。色卽是空空，是色又向

上洋采蓮葉。

三人采葉而歸

白頭老叟笑仰天，復見天青與海

碧。行將鼓棹浮江湖，不學壺公守一壺。絕妙畫圖須記
撫柳陰聯袂窺紅葉。

題卧雲圖爲葉召卿作二首

山林有隱士，高枕卧雲間。一鶴不飛去，白雲相與閒。
我亦山中人，素與雲爲侶。願雲蚤出山，化作人間雨。

題小琴夫人拜月圖爲江伊人作

拜月出堂前，焚香香到天天青。與海碧，夜夜祝長圓。

題王春圃廬山觀瀑圖

幼誦太白廬山謠夢到廬山看飛瀑遙空直下百重泉
疑是銀河九天落覺來放筆畫廬山滌盡胸中塵萬斛
寤寐所見尙如此何況親覩廬山真面目繪圖示我索
我吟一片寒光清我心我家黃山九龍潭瀑亦奇絕無
奈棲遲海上不得歸山林我欲飛身入圖畫綠陰深處
快眠琴

庚午閏十月初八日方子箴都轉復任兩淮鹽運

司作詩四首寄之

依依楊柳罪罪雪昔往今來詩癖翁

都轉有詩癖印章

已聽佳

音郭屋裏重瞻明月璧湖中光輝豈獨南淮草浩蕩長

懷北海風快跨揚州舊時鶴論文不放酒尊空

使君高義驅今古杜廣厦千間庇友生婦孺皆知白居易

易流離誰念庾蘭成齋名寶米常留飲都轉言寶米齋客苦無

田可息耕幸得春風吹細草頓教翠苗日敷榮時遣成兒聽差

下

羈棲海上已三年愧被人呼作散仙爲愛吳淞半江水

渾忘陽羨一溪煙龍門太史親函丈謂劉融齋先生虎口餘生

合樂天恨事慚爲知己告重刊先集苦無錢

桑田滄海經遷變老作東西南北人色相未離塵世界

情懷猶繫故鄉親學書嗤我眼無力搜句推君筆有神

重寫羊城好風景二知軒集又鐫新

都轉詩集名二知軒

題夢江松陰小憩圖

閒來散步看山忙倦憩松陰日正長
老我天涯苦行腳雨包風笠歷滄桑

于漢卿歸田詩以賀之

笑攜書劍入山林不許紅塵半點侵
造物何心成小隱茅廬抱膝任長吟
十年籌筆風波惡一旦歸田感慨深

多子閣中堪樂志

漢卿屬書閣額

階前玉樹已森森

題西風款段圖爲于竹虛刺史

實之作

君才本不羈龍驤驤雲路如何乘
款段茫茫空四顧不

見古英才多爲造物妬俊傑居下僚世胄高官駑驥也
絳鹽車難逢伯樂遇昔年守蕪城防禦金湯固旋爲六
合令詩繼道州賦蜚語憑空來自壁蒼蠅汗一官如繫
匏進退黃楊樹颶風動天地海嘯波濤怒隻手挽狂瀾
三年蒙毒霧海防築已成海患平如故楊柳拂春風吟
鞭敲警句丰神朗玉山顧盼雕鞍據繪圖以白娛作序
紀平素人是人中龍文是文中虎翳予年已頽駑馬難
安步祗餘一壯心百廢思具舉日月縱逝波歲豈不我
與安得千里駒負我遊寰宇久繪還山圖買山錢何取
囊空無一文發願毋乃魯讀君欵段圖令我輒心許行

色壯新詩破浪乘風去

承題還山豔禪填詞各圖故及之

小住吳門安得廣廈得詩四首索于竹虛刺史和
如夢如煙又十年滄桑轉瞬見堯天吳門景物終殊昔
過客情懷未改顛久別風煙陽羨里重停書畫米家船
此君空洞真吾侶對榻豪談證豔禪

前路茫茫問阿誰江湖浩淼且航之快浮大白送春去

留戀殘紅笑蝶癡雲捲西樓無住著

余舊居在友來巷劫後被強暴串折

風吹細雨阻行期蒼翁究竟憐詞客特遣吟人和我詩

風風雨雨聽連朝作畫敲詩破寂寥老去何曾除結習

興來惟解樂逍遙白頭常惹名花笑青眼難忘好友招

簾外鳥呼泥滑滑游山有約暫停撓

昔年流寓麗娃鄉酒地花天作戲場交接公卿憑秃筆
歷經兵燹剩奚囊頽齡尙做游仙夢亂世須求辟穀方
幸有硯田能世守一家團聚海邊疆

同于夢巖小麓弟游獅子林

高士行藏愜素心劫餘依舊到獅林樓臺寥落有興廢
松石離奇無古今漫向三山尋浩渺好攜一杖快登臨
催詩雨又紛紛下賴弟扶行伴我吟

安得廣廈飲酒高會作謔贈竹虛

我來吳門已兼旬十日九雨傷餘春主人好客不知貧

杜老羣鷗日日親宦游奔走忘苦辛循吏聲名久已聞
襟懷浩蕩筆嶙峋吟詩敏捷意出新八叉七步何足論
平和之氣良且溫胸無宿物心慈仁蒔花養雀性所根
奇書怪石左右陳渾忘坎壈纏其身忽然興發延嘉賓
烹茶煮酒陳八珍老饕飽啖喜欣欣獨惜量窄負醪醕
酒闌人散更精神呼燭來前將紙申筆如流水墨如雪
詩成一笑贈主人是詩非詩且漫云索和火速休逡巡
爲于意堂巖尹作畫題詩二首

水天空際一漁舟破浪乘風快意游我在塵寰將七十
依然寄跡海東頭

雨窗何事消長晝吟罷新詩便作圖要借圖中舟一葉
與君載酒泛西湖

三月十九日吳門安得廣廈坐雨作詩贈侯微梅

衫茂才

去年同寓築耶城論詩論畫見性情今春同作吳門客
聽雨聯床數晨夕兼旬雨勢來纏綿疑是銀河落九天
要翻雲頭扶日出手無長劍雲更黑思量無計破愁魔
要與吟翁同唱歌我歌爾和樂莫樂合繪聯吟圖一幅
天晴天雨聽自然且向北窗高枕眠待到紅日照窗紙
輕舸快剪吳淞水

安得廣廈芍藥盛開感賦

瞿園高會幸叨陪信筆題詩不費催

咸豐九年瞿園芍藥盛開張子長銘

東屏左清石諸君載酒邀客暢飲花間笙歌竟夕極一時文讌之盛余即席賦詩和者甚眾皆刻入同人酬贈

集一曲琵琶猶未了滿城鼙鼓忽驚來喜今鶴髮觀金

帶憶昔娥眉捧玉杯人自龍鍾花自好年年風雨殿春

開

寓齋見海棠一株有感

我來蘇臺春欲殘風雨無情摧牡丹紅芍當階能媚客

感懷今昔吟憑闌藥闌旁有海棠樹卓立墻隅年幾許

天旋地轉歷滄桑居然無恙存西府花時濃豔比霞紅

嫣然一笑酣春風絕似楊妃睡未足妝殘髮亂態疏慵
獨惜我來花已落令人那得不思蜀梁溪官舍花有無
先子宰梁溪時有衙齋海棠詩昌州夢想香霏閣放翁驛舍見折枝夜
聞風雨感吟詩我今劫餘見此樹徊徂月地夜眠遲

題汪綠雲校書書畫簃爲王子九司馬作

綺雲閣上綠雲仙畫意書情尙宛然十七年來遺一簃
蘭因紫果總前緣

辛未四月十七日偕秦君貞木訪席君子書於孔

副使巷雨過再訪瑞雲石於草莽中作調紀之
六十九翁興不淺劫餘吳下尋詩徧侵晨喜得山人來

八年一別今方見填詞拍曲近作多感時慨事驅愁魔

吳中三子皆無恙嗟予歲月空蹉跎

吳中三山人謂秦貞木汪燕庭朱子

馨三君子久有詩行世

故交零落今餘幾快訪洞庭子書子邱壚

歷歷感滄桑門巷人家半是非幅巾容我來登堂主人

倒屣忙扶將小齋幽寂堪留憩飽餐雞黍談家常風狂

雪起天深黑金支翠旗飛霹靂翻盆驟雨未移時候忽

斜陽照東壁主人出紙索我書揮成楹帖下階除出門

攜侶訪石丈瑞雲猶在快何如

瑞雲石歌

瑞雲之質高且豐瑞雲之色青如銅大穴容枕小容指

環觀四面都瓊瓏何年飛到館娃宮千石萬石盡荆庸
幾經兵火竟不損依然卓立凌蒼穹昔居華屋今草莽
榮辱循環亦適逢我與石丈共厯劫僥倖無恙非神通
千秋不朽惟文字有形之物靡不終偶然有作感今昔
寄興何勞計拙工調詩問石石不語文殊摩詰將毋同
袍笏拜石湖米老雪浪題銘傳坡公壺中九華久不見
洞天一品隨虛空得瞻瑞雲不能去苦憶黃山六六峯
爲唐焦庵大令翰第畫五湖清氣圖題詩二首
太湖三萬六千頃清氣盤旋別有天七十二峯長管領
使君不憶梅花泉

二年湖長一年宰不似梅泉顧影裝歸去宦囊何所有

滿船山色與湖光

焦庵幼時夢至孤山梅花泉臨流顧影居然一僧後至梅花泉恍如夢中

見所

題八瓠樓爲李笙魚作

笙魚藏石佛我已長歌紀又得古八瓠樓成瓠得所拓
本以示余索題苦不已嗟予年已頽考古久廢弛漢歟
近代歟不得而知矣毀棄歟黃鐘雷鳴嗤瓦缶君才本
不羣十五便筮仕弱冠參軍機剿賊立功偉無何大事
去一官棄敝屣雖散鄧通錢猶寶倪迂祕嗜古久成癖
好詩又如此禪悅蕉林中散花天女侍日影移八瓠高

卧呼不起好眠本家風八軌繼前美朝種故侯瓜夜盡
將軍李暇則陳八軌摩挲聊自喜此樂人不知惟君獨
得耳瓢本一頑物竟得真知己人爲萬物靈靈爲造物
忌去靈而守頑不辱亦不殆湖上騎驢來清涼一居士
盍從我游平風月無今古

劫餘詩選卷十二

婺源 齊學裘 子治

題河東君小象三首

貪生者不生樂死者不死打破生死關靈光照千紀
昔日章臺柳依依實可憐如何歷冰雪高節竟參天
巾幘愧鬚眉從容成大節優鉢現曇華清潭印皓月

題證因圖爲王小蘭大令

恩慶作

有鳥有鳥載飛載鳴天機活潑自在流行超脫籠樊披
雲出霧高飛冥冥弋人何慕柳仙示夢十字傳燈迷途
未遠快登上乘石上三生前因可證相彼飛禽識力宜

定我亦一鳥幸未入籠翱翔自得海濶天空九霄飛鳴
人不如鳥悟得仙機庶乎近道我與鳥語少鳴少飛知
止守默道造精微

同治十年辛未五月十六日山左于竹虛實之刺

史邀余同會稽童際庭觀察延長白松聽濤亭

長雲衢康單縣王小蘭慶恩三刺史濟甯楊再

琴襄郡丞莒州于壽卿椿齡大令會於吳門寶

積寺衡峯長老丈室談讌竟日詩以紀之亦亂

後不易多得之勝會也

衡峯長老吾故人滄浪聽琴逾卅春繪圖作歌紀快事

翺翔方外超凡塵衡峯退院棲寶積古寺本是要離宅
英風凜凜想當年遺像威儀曾得識春風拂拂牡丹開
名宦名流結伴來彈琴賦詩更作畫敲棋擊劍復持杯
咸豐己未春余邀銘東屏觀察左清石太守周存伯刺
史黃秋士樊曉球兩處士譙於衡師寶積寺丈室有圖
有詩蘇臺忽地走麋鹿故人多半乘黃鶴入火不焚水不
濡世界依然登極樂滄桑轉瞬十年餘重到吳門訪我
廬我廬已毀佛廬好辛苦經營愧不如我居廣廈將三
月雨做黃梅掃炎熱竹虛空洞好懷開竹虛自號
空洞子載酒
邀朋尋禪悅四海雲龍聚一堂高談雄辯形俱忘飢來
大嚼伊蒲饌量窄難辭介壽觴去來今世一彈指出山

處山各有事處爲風月作主人出爲蒼生作甘雨人生
所貴素位行窮通有命不可爭了無罣礙消憂患解脫
根塵外死生談空說有成何用蓮社清芬今又誦快向
筵前舞蔗竿何勞座上香花供眾賓歡喜笑言多那知
窓外雨滂沱良會盛筵感今昔援琴再唱滄浪歌

題楊節母紀事冊爲楊利叔孝廉作

辛苦撐持家五世蒼松翠栢氣沉雄養蠶紡織敬姜範
畫荻貽謀歐母風此日瀧岡阡已表當年遭遇運何窮
要知盛德動天鑒巾幗能成不朽功

題顧子長畫栢歌爲于竹虛作

棲伽山民氣如虎揮毫落紙驚風雨須臾老栢兩株成
淋漓元氣吞千古一栢拔地如人豪獨立不懼叅天高
一栢偃蹇如隱士山中高卧呼不起形奇狀怪身臃腫
規矩繩墨皆不中空山盤踞不知年飛出毫端引鸞鳳
此是山人自寫真孤高倔強超凡塵不求聞達於人世
惟知靜鍊其精神魄力雄渾得天厚宛似禹王書岫嶼
山精水怪見輒逃虹光夜出冲牛斗畫家恒逕一掃空
畢宏韋偃將毋同大材持贈空洞子竹虛自號高懸廣厦生
清風

題自畫柳溪閒泛圖

柳陰深處一漁舟
醉倒蓬窗當卧遊
管領湖光與山色
不知塵世有閒愁

題顧子長臨周昉宮姬調琴圖卷

宮姬調琴周昉筆
疇昔湘舟曾什襲
藝海樓前宴客時
衆賓環視稱第一
兵燹頻年化劫灰
老顛今又泛舟回
豈知臨本存人世
又見宮姬調琴來
子長繪事世少比
本是讀書一種子
問渠何故妙至此
大都書味爲之耳
子長白髮今盈頭
劫餘長物去還留
鏡花水月重重幻
盛名高尚期千秋

題顧子長畫蛇捕蟲圖

蛇乎曷不藏身山澤中長成鱗甲化爲龍胡爲盤旋天
矯挂老樹下覷草間一小蟲一蟲何足飽爾腹徒使生
靈受塗毒蛇乎勸爾蚤潛身樹邊恐有捉蛇樂吾鄉葵
源有捕
蛇者名
捉蛇樂道人畫蛇豈有因偶然揮筆傳蛇神美人變相
真堪畏莫畫長蛇畫美人

題顧子長松栢圖爲李友琴壽

蒼蒼者松鬱鬱者栢拔地参天壽真無極故人友琴得
松栢心年正七十玉樹森森樂善好施承先啟後揮汗
題圖祝無量壽

壬申春初七十自壽九章

游戲人間七十春山林泉石長精神奇峯卅六憶雲海

浩劫萬千憐馬塵

余少時讀書陽羨山中南岳寺大悲閣與徐東籬伯宏扶鸞蔣京少先生

降壇和余蓮花詩有三十六峯雲海舊百千萬劫馬塵憐之句中年多故老年遭難近思詩語感慨係之

鍊微軀成鐵漢三緘其口慕銅人行來末路須防失虎

尾春冰書我紳

漫道人生萬事空盈虛消長與時同頻年海國琴心寂

千里家山蝶夢通杜老長饒堪託命志和釣艇慣隨風

雪泥指爪成陳跡那計鴻飛西復東

不忘溝壑從吾好泌水詩人可樂飢百歲光陰過瞬息

千秋事業賁寒微表貞揚烈書多卷感逝懷人淚滿衣

世味嘗來似鷄肋好隨鷗鷺共忘機

斜陽散綺近黃昏古寺鐘聲又到門色卽是空空卽色
恩生於害害生恩平心素願師天地知命何曾念飽溫
人壽每從憂患得此中甘苦與誰論

梅源山下是吾家閒煞門前萬樹花三十五年別鄉國
去來今事散雲霞靈巖白嶽徵詩久玉女銅官引夢賒
海上逍遙洵可樂緣何還起故巢嗟

一粟滄溟何有無收成不必問桑榆陶潛園裏荒三徑
懷素松間挂一壺時有高人來索句喜無敗興爲催租
處窮偏要籌剗今我仍然是故吾

時刻見聞隨筆廿
餘卷尙未完工

箕疇五福壽爲先

語成

七十人生算大年金石圖書藏石

室

亂後余送石刻大士坡仙像焦山圖詩歌法帖數刀十塊置蕉山定慧寺方丈室內交芥航長老收藏

兵水火記詩篇墮樓不死真天幸罵賊生還亦偶然百
里行程半九十須知晚節要乾乾

利鎖名韁兩不知樂天養志是吾師湖山佳處常留畫
風月良時輒賦詩魚躍鸞飛供笑傲花天酒地任棲遲
元龍豪氣今猶在忘却頭童齒豁時

一事思量涕欲潛先人遺集未重刊天人悲憫鳥填海
身世艱難蚊負山十載復游黃歇浦全家都寄白雲間
快傾春酒介眉壽醉卧滄江悟八還

海上寄懷方子箴都轉

館別題襟有二年觀梅東閣羨羣賢
寒消九九圖爭詠徑闢三三客廣延
海市蜃樓貪鬼趣雲階月地憶詩仙
桃花漲滿春江日重泛米家書畫船

七十年來未廢書幕天席地愛吾廬
千金敝帚自家享百頃荒田若箇鋤
立志超超溫飽外依人碌碌亂離初
灑來一勺西江水潤遍東南涸轍魚

壬申二月初八日與丁月湖滬上遊春得詩一律
十年前住賣魚灣月夕花辰互往還
浪跡重逢黃歇浦吟魂猶繞白狼山
颺風細柳邀君賞戲水羣鷗伴我閒

且喜老夫腰脚健
春游依舊共躋攀

同月湖游廣福寺

蕭寺一何寂
重重門洞開
坐談時已久
不見一僧來
偷得閒半日
難謀茗一杯
斜陽紅屋角
臨去復徘徊

題高月川

錫基

海天長嘯詩稿

久客築耶城
海天聞嘯聲
碧空叫鸞鳳
野老慶昇平
健筆千軍掃
狂譌四座驚
伊人勞我盼
一水悵盈盈

二月二十八日雨窓書懷

風風雨雨過清明
老客天涯夢亦驚
郭外天桃紅有恨
浦邊新柳綠無情
踏青拾翠期難負
訪友尋詩興又生

買得漁舟挂帆去烟花三月到蕪城

惠山觀泉

亂後孤舟幾度撐觀泉頓令我心清先人德政民猶念
客子優游世太平七椀與誰同啜茗一筇扶我聽啼鶯
山容慘澹如傷別雨雨風風不放行

西泚泛舟偶成寄楊堯門卽用其寄懷原韻

烟水空濛快放歌年華七十興如何南山宛似雲林畫
西泚長懷玉局過傑士有心思射虎書生垂老倦籠鰲
不須細問君平卜相約同尋織女河

壬申四月初五日游焦山用東坡游金山寺韻

七十老翁游興豪不樂田園樂湖海携筇直上大觀臺
濟勝之具今猶在天然一箇老頭陀重見碧海不揚波
滄桑更變一彈指人生憂患何其多幼隨先子游停楫
東昇閣上看初日火輪三浴出扶桑飛焰照天天半赤
今來四月哉生魄片雲含雨催詩黑雲開返照入江明
剴然長嘯猿鶴驚休道江山不復識釋家弟子多人物
謂月輝長老保障焦山不爲毛賊蹂躪山人老去不還山焦先笑我頑復
頑我對焦先愧不已辜負高山與流水

自焦山放船至金山用東坡自金山放船至焦山

韻

看山眼如虎眈眈無分江北與江南
焦山游伴惜無幾
芥航松泉與我三老饕飽食伊蒲饌
下筆聲如食菜齏
詩成挂席金山去訪勝無遺心不慚
微風細雨浪自靜
蛟龍遠遁離江潭象山北固未登眺
山靈怪我興不酣
金山樓觀新如昔滄桑之變無人談
一筇扶我登絕頂
四大皆空爲我龕解脫繩束鱗透網
羶鎖名利吾豈甘
老病已成惟欠死瞋疑未去只除貪
陵谷變遷供閱歷
江山如此人何堪坡仙玉帶幸無恙
寶光夜出江天庵
四月初六日龔少卿明府招飲臨江樓放歌呈少

京江江上有樓臺故人招我同持杯
鱗魚鮮美剛出網葡萄醞釀初發
醅飲酒食肉仙自得談詩話舊情
無猜金焦北固鼎足峙天然圖畫
尊前開我醉三山一尊酒三山迎
笑喜相陪楊子江心波不作驪龍
抱珠睡方熟帆檣如織爲誰忙利
鎖名韁空碌碌請君高唱大江東
持尊再酌古英雄龍爭虎鬪勞心力
一場春夢隨東風萬事不如杯在手
滄海一粟亦何有吟詩作賦欲胡爲
萬言那及一斗酒飲君酒聽我歌我
謔咄咄怪事多窮通由命非由作
人生如寄能幾何得錢相覓傾金罍
快憑酒力驅愁魔六十七年已過
白日西逝難揮戈如

此江山如此友不容不醉不狂歌

放歌呈方子箴都轉

平生不作寒酸態困窮到老心常快門前凡鳥聽人題
江左詩人不余外幼承庭訓喜學詩天窺以管海測蠡
獨好交游遍湖海奇才傑士皆吾師前輩風流去已杳
朋儕亂後晨星少蓬萊飛到謫仙人詩歌散落滿江表
等身著作超前賢李白斗酒詩百篇東南名勝半寥落
公一舉手重新妍題襟館裏舊時客重來邗上尋詩伯
金焦游草昨宵呈和作飛來快籠壁一言知遇重山河
勞君夢想抱慚多不才敢奪應劉魄放浪難除詩酒魔

來詩有夢想詩顛醉顛赤
如君足尊應劉魄之句
行年七十忘老醜依舊飢驅

事奔走百尺樓下仰元龍
知己相逢須縱酒金焦游興

知未闕飛巖驚濤洶大觀
譬如奇書讀不厭一銘準備

從躋攀
來詩邀游金焦故及之

四月十三日養志園題壁爲于漢卿作

男兒達則兼善天下立功
德窮則獨善其身適吾適中

年絲竹念東山歸老田園
去彭澤慧圓居士豈其人

別號慧圓頭陀戎馬精臺歷幾春
從軍草檄常磨盾運籌決勝

苦勞神鳥盡弓藏古亦有
依舊飢驅牛馬走一官進退

類黃楊
漢卿詩語五夜夢魂縈細柳
無城城外蜀岡西購得

山田千百畦園開十畝宅五畝狂花滿屋水滿溪土築

爲墻茅覆屋木末草堂多子閣冬暄室暖吾飽涼

冬暄吾飽

兩室名

觀稼高亭頽復築

園有草亭爲風吹倒今春重蓋瓦亭可以觀稼故擬名之

登

亭非獨誇大觀當知稼穡之艱難五風十雨占大有吟

翁嘉客遲雄談手種萬松長新翠林氣映天陰在地閉

戶著書歲月多招鶴下雲舞庭際有竹千竿水一池風

來吹縐清漣漪紅蓮出水美且豔無情有恨耐人思三

板橋通門外路左右開軒面場圃恍讀香山池上篇重

緇潘岳閒居賦林間光閃讀書燈夜半呬唔聲未停我

來玩月誰爲伴暢談得遇江都凌

謂凌夢湘先生

是時園上清

淮去勾留三日添離緒留詩勸駕速出山知否蒼生望霖雨

湖海壯遊圖爲葉月珊作

七十二峯青插天三萬六頃清且漣月珊生長於其間
湖光山色相周旋安能鬱鬱久居此具區習見如杯耳
丈夫志本在四方彈丸何足恣徜徉仰天大笑出門去
望洋大海堪翱翔乘風破浪駕海船飄飄羽化而登仙
上下四旁空所有波濤洶湧冲牛斗潑翠巖巒畫不成
無翼而飛不脛走此時此際心胸開五湖真覺小如杯
觀於海者難爲水眼前何處非蓬萊回首湖山渺何處

海鷗浩蕩任游戲繪成一幅壯游圖吐出元龍湖海氣
我亦壯游湖海人作畫題詩適吾意

次韻奉和方子箴都轉重建平山堂落成紀喜之
作三章

記得兒時到蜀岡樓臺金碧映斜陽二分明月吹簫夜
十里春風走馬場漱灩湖波飛畫槳高低隴畝插新秧
同游伴侶多耆舊杖履追隨似雁行

世亂方知行路難名山勝地歎凋殘梅觀東閣臨何遜
雨潤蒼生仰謝安點染湖山增氣色能令枯朽活金丹
隔江疊嶂排堂下仍舊延賓帶笑看

山平堂下水平湖不見荒烟與蔓蕪
潤色昇平真盛舉
主持風雅是良圖
君開蓮社爲詩伯
我泛煙波作釣徒
七十年華猶及見
醉心何待飲屠蘇

六月朔日古梵覺寺聽海師彈琴歌以贈之

歌臺舞榭盈絲竹
罕有琴聲聞滬濱

余寄居滬上六年

重來邗

上訪琴僧赤日行天
六月朔海公退院閒
復閒志在流水與高
山爲我拂琴彈再鼓
超凡絕俗開心顏
人生塵世多煩惱
在家出家無二道
不能打破貪瞋痴
焉得置身在蓬島
清淨無爲自在心
那許塵埃半點侵
虛空粉倖了無碍
和平心氣憑鳴琴
昌黎聽琴動愁思
無端冰

炭腸中置窮通由命非由人區區何足留胸次我少鼓
琴驅病魔老逢西寇焚琴多而今聽琴梵覺寺悲歡離
合情銷磨碧空無雲飛霹靂天風海濤來几席清涼國
裏自清涼一片冰心離火宅三生石上再來僧燕子樓
空夢未醒今日與公脩舊好琴心三疊證三乘

題三生夢悟圖爲許叔平作

君身仙骨本宜平才子佳人幻幾生知否根塵銷不去
祇緣兩字是癡情

梅花萬樹供幽香穩坐蒲團世界忘不似師雄清夢覺
羅浮月下憶明璫

奇才豔色都非福祇要靈光一點存
花落花開自千古
是真是夢總無痕

前生我是癩殘僧
寂照庵中夢到曾
今日與君同悟夢
滿天花雨灑溪藤

八月廿四日訪海雲禪師重甯寺爲題種蕉學書

圖用方子箴都轉韻

兒時好種蕉學書聽雨舫草聖愛素師臨池日日傲綠

天學書處秦陳書齋榜余少時寄居宜興城東好學書種蕉請茶補堂書學書處陳雲

乃書緣天小構自號曰蕉窗愛蕉圖有兩蕉小像盛子

履繪愛蕉素師千文世所珍手鐫墨蹟矜絕倫素干文

第二圖

墨蹟在寶襖
室法帖中

誰知千百餘年後又見海公作替身海公
書法出藏真綠天庵中再來人重甯經亂成焦土日暮
訪公停畫艣甘露一杯勝牛乳游蹤有缺今方補細談
筆勢待重來一笑出門散花雨

題自畫山水立軸

停雲靄靄水悠悠樹裏人家清且幽一壑風煙別陽羨
二分明月客揚州

問我客居作何事喜調青綠畫春山春山笑我老將至
我負春山忘却還

一葉扁舟泛五湖根塵解脫樂何如月光在水流不去

山影著煙淡欲無

春山如笑豁雙眸無限詩情起白鷗萬丈紅塵飛不到
空濛煙水一虛舟

浮生若夢寄塵寰七十平頭與未刪獨向平山堂上坐
揮毫掃出隔江山

壬申九月二十六日于堦漢卿招飲養志園持螯
賞菊詩以贈之同座王予九馬愼卿孫厚卿于
希姚子和伯時漢卿有淮泗尋源之役

客游又到暮秋時厚意難辭酒一卮菊比曇華燦優鉢
園同芥子綱須彌身勞心逸方殊俗會少離多合賦詩

奉使尋源行有日仙槎遠去令人思

蟹肥酒美晚菰香四海親朋聚一堂秋似美人無癯瘦
花如名士不嫌狂知心惟有二分月長物空餘一錦囊
怪我來揚尋舊夢忍教松菊兩園荒

婺源薑園宜興詩隱園

孫右卿太守寄眎選得天長訓導詩六章詩以賀之

先生有道傲羲皇富貴在天那得忙好句飛來從海上
廣文喜報選天長昔年草檄勞磨盾此日之官快束裝
我愛揚州二分月望君同醉菊花觴

壬申十月次韻奉和竹雲家兄見懷之作

花間月下醉下場怎及弟兄聚故鄉弟似游仙那有定
兄如壽佛本難量飛來尺素情何篤瀾別卅年心各藏
水火刀兵等閒過歲寒松柏傲冰霜

環溪源遠更流長秋水伊人此夕望記得釣游曾共樂
那堪老大旅殊方飄蓬久作諸侯客揮翰聊爲急就章
明歲相逢期白下肩隨登眺鼓詩腸

寄楊堯門和豐橋

江南江北路迢迢別緒何曾片刻消楹帖高懸當明月
時時相對慰清寥

堯翁寄贈壽聯故及之

一紙覆函燈下塗模糊字跡寄雙魚客中何物酬君意

新著見聞十冊書

題雲齋詩僧竹嶼吟秋圖卷爲聽潮禪師作

千竿萬竿蒼翠竹煙靄迷離滿山谷雙峯縹緲翠如鬟
一衲吟秋清似鶴雪公好詩不語禪綠陰深處聳吟肩
詩成得意發長嘯山鳴谷應江吞天我惜未遇此詩衲
詞源空想流三峽吟秋圖在詩已亡弟子聽潮守衣鉢
少從先子游焦山借庵長老詩往還竹深留客日復日
仙巖樓閣同躋攀今來邗上年七十哦詩讀畫甜如蜜
恍若置身圖畫中竹色山光逢舊識

題襟館雪霽消寒聯句

三九見二白

齊學裴玉谿

天花喜兆豐頭番行役壯

方濬顧子箴

初六日冒雪抵東陽鎮

心賞故人同晴逗梅消息

管樂才叔

寒資酒化

工尖义援舊例

許奉恩叔平

拈韻各爭雄

湯世厚散之

昨覽蜀阆勝

散人游平山堂十五日同

江天眼界開雲驅千幘出

玉風送片帆來惜我空齋坐

箴

看君疊騎回何當偕蠟

屐才長嘯陟崔嵬

叔

歸思濃於酒

才叔

攀留夜未央迷漫眾香國

散齋中唐花

正約畧小謨觴

新刊見開隨筆成

白戰堅攻壘

玉

黃封醉有鄉

羶爐聊作餞

箴

京口渡滄茫

才

搬笛前塵遠

才

管騰把盞歡豪情催刻燭

叔

小勇怯登

鹽竿遯難成調散桐焦尙可彈知音吾輩在玉促膝到

更闌箴

老顛胡不速箴小集亦因緣滿壁皆詩境才齋中懸

妙虛空八畫禪自憐寒起栗叔共仰筆如椽賦雪鄒枚

伍散篇成一粲然玉

壬申十二月十六夜題襟館雪霽消寒同座許君

叔平管君才叔湯君散之與余酌酒聯句得五

律五首歸寓作七古一章呈方子箴都轉并諸

君子

題襟館主詩興豪下筆鋒如切玉刀白門于役二閱月

一日一詩如海潮滿江風雪挂席返丹崖碧嶂堆瓊瑤
金焦兩點看浮玉山靈拱手雲端招江神似欲試君膽
波掀浪湧風聲高纔離北固兩三刻又到揚州廿四橋
吟罷六朝金粉地吹來何處主人簫回轅已過臘八節
紛紛雪又飛鴻毛雲開日出快雪霽酒波燈影光動搖
客來不速主人笑把酒圍爐獸炭燒雖無絲竹助清興
尙有蠟梅香暗飄譙樓更鼓聽頻轉座上酒人思遁逃
酒闌聯句聊爲樂詩被催成句罕超構思稍遲輒催速
無鉢可擊將盤敲主人雄視爲詩督詩將登壇氣不驕
我被酒困惟思睡口占里句慚風騷叔平苦索山肩聳

吟聲如鶴鳴九臯才叔酒酣頻起舞當筵恨少蔗竿操
散之年少勇可買恬吟密咏樂陶陶嬰鑠王翁勤顧誤
醉人公瑾如醕醪客起離筵各分散月照積雪明秋毫
醉歸客舍夜剛半紙窗疏影橫梅梢興來作詩不可遏
如拈宿繡忙膽鈔是詩非詩固不計老夫借此將寒消
千門萬戶睡方熟而我翦燭吟通宵筆僵墨凍呵不已
屈曲滿紙蟠螭蛟書成小草天未曉要呈詩督待明朝
十二月二十五日余七十生辰方子箴都轉旣祝
我壽復壽我詩感不去心詩以謝之

馬齒徒加七十年多君壽我短長篇真如貧士無生計

主名言
忽得衣珠喜欲顛

鐘鼎山林分不同也勞旌旆駐琳宮故人高誼雲天上
愧煞嬾殘一秃翁

萬首詩龕築已成輸君擲地作金聲紅塵功行他年滿
攜手黃山聽鶴鳴

人生何者壽無量立德立功并立言我特祝君三不朽
文章經濟報天恩